



Aningaasaqarnermut Naalakkersuisoq

Ulloq: 05-10-2021  
J.nr.: 01.31.06/21-00951

**Aningaasaqarnermut Akileraartarnermullu Ataatsimiititaliap tallimangornermi ulloq 1. oktober 2021-mi aalajangiineranik Naalakkersuisunut ilisimatitsineq.**

**Kontumut pingaarnermut, 51.01.05 Kalaallit Nunaanni Aalisarsinnaanermut Akuersissutininik Nakkutilliisoqarfik aamma Piniarnermik Nakkutilliisoqarneq, ilassutitut aningaasaliissutit pillugit qinnuteqaat. Ataatsimiititaliap suliaa nr. 01.31.06/21-00951.**

”Naalakkersuisut inassutigaat,

- Kontumi pingaarnermi, 51.01.05 Kalaallit Nunaanni Aalisarsinnaanermut Akuersissutininik Nakkutilliisoqarfik aamma Piniarnermik Nakkutilliisoqarneq, aningaasaliissutit 2021-mi 550.000 kr.-nininik ilaneqassasut, aamma
- Kontumut pingaarnermut, 20.11.70 Suliniutinut nutaanut sillimmatit, aningaasaliissutit 2021-mi 550.000 kr.-nininik ilanngarneqassasut

**Aningaasaqarnermut Ataatsimiititaliap oqaaseqaatai**

Ataatsimiititaliaq allanik oqaaseqaatissaqanngilaq.

**Aningaasaqarnermut Ataatsimiititaliap aalajangiinera**

Naalakkersuisut inassuteqaataat Aningaasaqarnermut Ataatsimiititaliami amerlanerussuteqartunit Inuit Ataqtigiinnit, Naleqqamit, Demokraatinit Atassumillu **akuerineqarput**.

Inassuteqaatit ikinnerussuteqartunit Siumumit **itigartinneqarput** imalu ikinnerussuteqarluni oqaaseqaateqarnissaq kissaatigineqarpoq:

Aningaasaqarnermut akileraartarnermullu ataatsimiisitaliami immikkut ittumik Naalakkersuisut t.kr. 550 nalilimmik, Aalisarnermut Piniarnermullu nakkutilliisoqarfiup ininik attatarnissaanut nutsernissaanullu atatillugu, aningaasaleeqittoqarnissaanut qinnuteqaataat Siumup apeqqusersunngimmagu. Taamaattorli Siumup isumaqatigisinnaanngilluinnarpaa aningaasaleeqinnerunissami aningaasat t.kr. 550 Aalisarnermut Inatsimmimmi 1990-ikkunneersup qulaajaaffigineqarnissaanut aningaasat immikkoortitat 2,5 mio.-iusimagaluartut, massakkut Naalakkersuisuutitaqartut siullermik 1 mio.-inik aallerfiginiariarlugit maanna t.kr. 550-imik aallerfigeqqinniarmatikkit. Tamatumanimi Siumup qulaajaatitsinissamik kisiartaalluni illersuileraimanera maluginiarparput, aammalu ilanngartuinissamut akuerseqataasut

uppersisimmassuk partiip siuttunngortup qineqqusaarnermi oqaatigisimasaminnik neriorsuutigisimasaminnillu akisussaaffimmik qimarratiginninnerat aammalu aalisartut ingerlaqqikkusuttunik eqqunngitsumik pineqarsimasorineqartut qulaaffigineqarnissaannut tapersersuisuusaarsimaneq aammalu qineqqusaarutaannartut atorneqarsimanagerat. Tamannalu Siumumiit tupigusuutigearput assullu ilungersunartutut isumaqarfigalugu.

Siumuminngaanniillu siunnersuutigigaluarparput Naalakkersuisut aningaasat konto allaminngaanniik aaneqarnissaat suliarineqaqqaassasoq. Amerlanerussuteqartulli aaliangerat Siumup ataqqivaa.

Ataatsimiititaliaq sinnerlugu



Jens Napaattoq

Aningaasaqarnermut Akileraartarnermullu Ataatsimiititaliap siulittaasua